



*Sabtu, 07 Januari 2023*  
**Ogen : Pengerana 11:6**



**Lalap Mehuli**



**N** iktik wari e me sada tradisi si lit i bas orang tuata si ndube. Lit wari Aditia (wari medalit), cukera dudu (wari mehuli), beraspati medem (wari si malem-malem), nggara (wari merawa), Tula (wari sial), Suma Cepik (wari la mehuli), Dalam bulan (wari kurang ulina) ras sidebanna. Kerina wari-wari e pelain-lain e maka arus iperdiateken lebe sope denga idalani. Lit wari mehuli, lit ka wari la mehuli. I bas niktik wati e inehen me wari-wari si mehuli guna erdahin entah erbahan kerja, ngelakoken perdalanan entah lang.

Payo kin bage? Mari situlihkan kata Dibata bas kitab Pengerana sinuriken maka i bas erpagi-pagi arus kam merdang, bagelah perbahanendu tupung berngi. Erpagi-pagi ras berngi enda seri ulina guna merdang nina pengerana, sabap la sieteh siapai si mehuli peturahna, banci jadi duana mehuli peturahna. Si enda ngatakenca arus pentar makeken kesempatan. Subuk pagi-pagi entah berngi e kesempatan si mehuli. Pakekenlah kerina waktu si lit, sabap langa si eteh kerna wari si pepagi (peturah).

Tambah tolana la kin kerina wari-wari enda Dibata si nepasa, janah teptep wari nina Tuhan "tuhu-tuhu mehuli." Kata enda nuriken maka wari-wari enda lalap mehuli. Uga gia prediksi, ramalen kerna wari-wari enda, teklah maka Dibata tetap mereken kerina si mehuli.

Ralph Waldo Emerson ngatakan maka "*tuliskan dalam hatimu bahwa setiap hari adalah hari terbaik dalam setahun.*" Wari enda wari simehulina, dalanilah janah jadikanlah wari enda wari si tuhu-tuhu mehuli (spesial), janah wari enda lanai ndigan pe mulihkan. I bas kita ndalani tahun 2023 enda, teptep wari lakoken simehulina, seh maka la sigejap dungna wari-wari enda mentas, sebab lit lalap simbaru ibreken Dibata si man dalanenta.



*Kerina wari-wari mehuli bas Tuhan, pakekenlah*